

152. FITXA Bizialdi osoko ikaskuntzari lotutako jarduerak egiteko laguntzak - 2025

Nori zuzendua: EAEko erakunde hauek: Udalak; Toki eta Eskualdeko Garapen agentziak; Udal-sozietateak, beraien gizarte-helburuen artean prestakuntza dutenak; EAEko unibertsitateak, esperimentatze proiektuetarako bakarrik; Irabazi-asmorik gabeko elkarteak; Ikastetxe pribatu baimendunak; Merkataritzako edo gizarte-ekonomiako sozietateak.

Sarbide-esteka: [Bizitza osoan zehar egiten den ikaskuntzari lotutako jarduerak egiteko laguntzak \(2025\) - Eusko Jaurlaritza](#)

Erreferentziazko araudia: [AGINDUA, 2025eko ekainaren 17koa, Hezkuntzako sailburuarena, zeinaren bidez bizialdi osoko ikaskuntzari lotutako jarduerak egiteko laguntzak arautzen dituen uztailaren 23ko 118/2019 Dekretuan aurreikusitako laguntzen 2025erako deialdia egiten baita](#)

Eremuak: Hezkuntza

Zenbatekoa: 930.000 €

Eskabideak aurkezteko epea: 2025/07/30

Laburpena

Deialdi honen xedea da **bizialdi osoko ikaskuntzari lotutako ekintzak** garatzen dituzten jarduketak gauatzeko laguntzak arautzea.

Diruz lagundu daitezkeen jarduerak

Dirulaguntzak erabiliko dira **ezagutzaren edozein esparrutako ikaskuntza-jarduerak garatzen dituzten jardueretarako**; jarduera horiek bizitzan zeharreko ikaskuntzaren testuinguruan kokatu behar dira, eta parte-hartzaileen ezagupenak, konpetentziak eta gaitasunak areagotzeko helburua izan behar dute, bai eta herritarren parte-hartzea sustatzeko helburua ere.

Dirulaguntzak izan ditzaketen bizialdi osoko ikaskuntza-jarduerak hiru motatakoak izan daitezke:

- Prestakuntzako jarduera espezifikoak**, aurretiaz identifikatutako eta kuantifikatutako pertsona-multzo baten prestakuntza-arloko beharrezanez erantzuteko diseinatuak eta planifikatuak. Atal horretatik kanpo geratuko dira profesionaltasun-ziurtagiriekin lotutako prestakuntza, enplegurako prestakuntzaren esparruan, eta, ondorioz, Lanbideren deialdien

bidez dirulaguntzak lortu ditzaketen jarduerak.

- b) **Ikaskuntzako bitartekaritza-zerbitzuak:** bizialdi osoko prestakuntza eta ikaskuntza euskal herritar guztiengana hurbiltzea, arreta berezia jarrita gizarte-egoera ahulean eta prestakuntza-zirkuituetatik urrun dauden pertsonengan.
- c) **Gai hauei buruzko esperimentazio-proiektuak:** bereziki kualifikazio txikiko pertsonen zuzendutako eduki irekiko ikaskuntza-gaiak lantzea, prestakuntza-ikaskuntzako metodologia berriak, ezagutzaren belaunaldi arteko transferentzia, prestakuntza hurbiltzeko eta ikastea sustatzeko trabak baztertzea edota bizitza osoan egiten den ikaskuntzarekin lotutako beste edozein.

Ez dira esperimentazio-proiektutzat hartuko bi urte baino gehiagor martxan daudenak. Halaber, ez dira esperimentazio-proiektutzat hartuko esperientzia zehatzik garatzen ez dituzten proposamenak, eta proposamen horietatik emaitza edo produktu zehatzik lortzen ez badira, ezta ere ikerketak egiteko proposamenak.

Esperimentazio-proiektu hauen bidez lortutako produktuak, bereziki eduki irekiko ikaskuntza-gaiak eta prestakuntza-ikaskuntzako metodologiak, Hezkuntza Sailaren eta hezkuntza-komunitatearen eskuetan utziko dira, eta bermatuko da jatorrizko lanaren egileak nortzuk izan diren ezagutaraztea.

Dirulaguntzak jasotzen dituzten bizialdi osoko ikaskuntza-jarduerak doakoak izango dira bertan parte hartzen dutenentzat.

Gastuen aldi hautagarria

Diruz laguntzekoak diren jarduerak **2025eko irailaren 1etik 2026ko uztailaren 31ra** bitartean gauzatu ahal izango dira.

Laguntzen zenbatekoa

Hona hemen jarduera-mota bakoitzarentzako gehieneko zenbatekoak:

- a) **Prestakuntza-jarduera espezifikoak: plaza eta prestakuntza-ordu bakoitzeko 7 euro gehienez; 18.000 euro** gehienez erakunde bakoitzeko. Ezingo dira diruz lagundu herritarrak digitalki gaitzeko prestakuntza-jarduera espezifikoak.
- b) **Ikaskuntzako bitartekaritza-zerbitzuak: 39.000 euro**, gehienez ere, bitartekaritza-zerbitzuari egozten zaion eta lanaldi osoz aritzen den bitartekari bakoitzeko, zerbitzua eman den 12 hilabeteko. Bitartekaritza-zerbitzua gutxienez 100.000 biztanleko udalerrri batean edo gutxienez 60.000 biztanleko eskualde batean ematen bada, lanaldi osoz arituko den bitartekari bat egotziko da. Bitartekaritza-zerbitzua 12 hilabete baino gutxiagoko epean gauzatzen bada, gehieneko zenbatekoa hainbanatu egingo da.